

TEZĂUR LITURGIC

13 MAI

**ACATISTUL
SOBORULUI
SF.NOI MUCENICI
ȘI MĂRTURISITORI
AI
CERKASKULUI**



MOSCOVA, 2000



АКАФИСТ

СВЯТЫМ НОВОМУЧЕНИКАМ И ИСПОВЕДНИКАМ Черкасским, за веру Христову убиенным

Кондак 1

Возбранное Христово воинство, от Черкасския земли возсиявшее, воспоем, людие. Онех бо ко Господу молитвами от злых избавитися чаем. И сих множеству благодарственная восписуем пение:

Радуйтесь, новомученицы Черкастии, присные о нас пред Богом молитвенницы!

Икос 1

Ангельским ликом новии сопричастницы явистесь святии новомученицы и в сих совокупленном множестве пред Господом нашим, молимся вам прилежно: за ны предстателие будете, да зовем вам:

Радуйтесь, за Христа на смерть осужденныя;

Радуйтесь, многия ко Христу приведшия;

Радуйтесь, всех наставницы к покаянию;

Радуйтесь, молящиися о мире нашея державы - Малороссии;

Радуйтесь, в темницах грешным бывшии светильницы;

Радуйтесь, Феодоре, Димитрие, Мефодие и Харитоне, славнии диаконы Черкасстии;
Радуйтесь, Мелетие, Иоанне, Феодоре, Каллисте, Умани монашеское удобрение;
Радуйтесь, Симоне, Феодоре и Иоанне сынове Церкви, пресвитерства саном почтенныя;
Радуйтесь, новомученицы Черкастии, присные о нас пред Богом молитвенницы!

Кондак 2

Видяще козни жидобожных, иерей Иоанн вкупе со старостою церковным Димитрием и мирянами благочестивыми Иаковом и Иоанном, Кириллом и Владимиром и иными православными не попустиша ветхую церковь разграбити, сами нощи сущей тую по частям пренесши, воспеша Богу: Аллилуйя!

Икос 2

Разум Божий имуще противосташа оглаголющим их от Коробовки иерей Иоанн со чадами духовными своими и суд неправедный приемше о Господе почиша. Таковых кончину ублажающе зовем таковая:

Радуйтесь, пастырям Христовым образ дерзновения показавшия;

Радуйтесь, преподобномученику Макарию кончиною подобныя;

Радуйтесь, священномученицы, сана своего не

отрекшиися;
Радуйтесь, преподобномученицы, ангельским
чином совокупленные;
Радуйтесь, Радость вашу Богородицу в Небесных
узревшии;
Радуйтесь, Иоанне и Александре, пастырие
неодолимыя страхом;
Радуйтесь, святии Городища иереи Василие,
Александре и Иоанне;
Радуйтесь, новомученицы Черкастии, присные о
нас пред Богом молитвенницы!

Кондак 3

Силою Вышняго укреплен быв священноинок
Киприан от обители святого Онуфрия во веси
Залевках народ Божий упасаше. Ему же
внемлюще, святой Стефан храму обновление
сотвори. И крепляшеся Слово Божие, на яже
злочестивыя ополчившися, яша святые на муки,
поющих: Аллилуйя!

Икос 3

Имуще помышление от суеты мирския
отрецися, святой Киприан притече во обитель
Свято-Онуфриевскую, обаче нечестивых ради,
иже монастырь сей упраздниша, паки в мир
иде, не приобщився ему, паче же кровию себе за
Христа излиянную очисти и в Чертог Небесный
со иными вниде, имже вопием:

Радуйтесь, прещений жидобожных не
убоявшиися;
Радуйтесь, кровьюми вашими спасение себе
стяжавшии;
Радуйтесь, Покров Богоматери молитвами на ся
призававшии;
Радуйтесь, Ангелом Хранителем вашим радость
сотворившии;
Радуйтесь, Маркеле, Леониде и Феодосие,
смелянския люди упасавшии;
Радуйтесь, Корсуньския преподобномученицы
Владимире с Неофитом;
Радуйтесь, песнопевцы Троицы Иосифе,
Афанасие и Феодоте;
Радуйтесь, Симеоне и Антоние, последователями
святителя Тихона себе именовашии;
Радуйтесь, новомученицы Черкастии, присные о
нас пред Богом молитвенницы!

Кондак 4

Буря гонений паки лукавым на Церковь
воздвиженная, не отврати люди Божия от веры
святых. Иже яко древле апостоли в домех тайно
на молитву собирашася, тако иерей Авраам
молебень служивше от жидобожных ят бысть.
Обаче крест и Евангелие с нуждею едва
возмогша исторгнути злодеи от рук
священника храма суща. Сего крепости
духовней дивящася, речем Богу: Аллилуйя!

Икос 4

Слышавше новомученицы глас Спасов: «Иже отвержется Мене пред человеки, отвергуся его и Аз пред Отцем Моим иже на Небесех», не отвергостеся Христа, ни сана, ни страданий. Авраам же иерей дерзновенно за Евангелие и крест с мучители своими брався, не давая псом святыни, емуже с прочими поюще глаголем: Радуйтесь, от Христа венцы стастотерпцев получившии;
Радуйтесь, мучеником древним подобницы;
Радуйтесь, древним святым на Небеси собеседницы;
Радуйтесь, пред лицом смерти лютыя не смутившиися;
Радуйтесь, дерзновение за ны молитися получившии;
Радуйтесь, иночества честное прозябение Зиноне, Феодоре и Тимофее;
Радуйтесь, черкаским людем Евангелия проповедницы Филиппе, Евгение и Иоанне;
Радуйтесь, земли Звенигородския иереи Антоние и Василие;
Радуйтесь, новомученицы Черкастии, присные о нас пред Богом молитвенницы!

Кондак 5

Боготечными звездами явистесь нам святии новомученицы Черкастии, вашим бо стопам

последуя, Царствия Небеснаго достигнути чаем,
аще токмо веру вашу и терпение стяжати
потщимся, поюще Богу: Аллилуйя!

Икос 5

Видяще терпение ваше, святии, Господь дарова
вам обители Небесныя, в нихже в день
Обрезания Господня седминадесят мученик
внидоша с прочими Троицу восхваляюще. Сим
же хвалебное пение приносим сицевое:
Радуйтесь, непрестанныя радости
сподобльшиися;
Радуйтесь, на Бога печали своя возлагавшии;
Радуйтесь, аки на Голгофу крест носяще
возшедшии;
Радуйтесь, тленных лишенная и вечными
награжденнии;
Радуйтесь, от Золотоноши Михаиле, Григорие,
Кирилле в десятице сияющих;
Радуйтесь Димитрие, Иоанне, Александре от
Канева пред Богом предстоящи;
Радуйтесь, Уманския пресвитеры Петре, Георгие
и Автономе;
Радуйтесь, со Шполянским
преподобномучеником Софронием, Антоний от
Чигирина и Фаддей монашеская славо;
Радуйтесь, новомученицы Черкастии, присные о
нас пред Богом молитвенницы!

Кондак 6

Проповедниками терпения и за Христа
страдания в новая времена безбожныя явишася
святых новомученик в земли Черкастей собори.
В нихже найстарейший протоиерей Михаил
старец сый седидами и житием нескверным.
Иже яко благая тако и злая в юдоли сей прием,
поя Богу: Аллилуйя!

Икос 6

Возсияли аки звезды пресветлии во мраце неба
нощнаго, новомученицы славнии, и сиянием
вашея славы, юже вам Христос воздаде, землю
Черкасскую осветисте, да от грех своих избывше
покаянием воспоем благодаряще Бога таковая:
Радуйтесь, крест Христов безропотно
пронесшии;
Радуйтесь, от земли прославление приемшии;
Радуйтесь, Фаворским светом ныне облеченнии;
Радуйтесь, неизреченных в Царствии Божиим
зрителие;
Радуйтесь, крепостию веры адаманту подобныя;
Радуйтесь, Всеволоде, Вонифатие, Феофане,
людий Канева молитвами хранителие;
Радуйтесь, Симоне и Самуиле в своих чинех
Богу служившии;
Радуйтесь, Савво и Иулие, Божии диаконы;
Радуйтесь, новомученицы Черкастии, присные о
нас пред Богом молитвенницы!

Кондак 7

Хотяще сохранить сосуды церковныя от
расхищения оных новыми вальтасарами,
служитель Божий Сергей спрята я. Егда же от
Шполы во Черкасы выслан бысть, сими тайно
Евхаристию совершаше, якоже и множество
собратий иже в лице новомученик сияют,
поющих Богу: Аллилуйя!

Икос 7

Новыя жизни явистеся причастницы, приявше
смерть от рук жидобожных мучителей святии
новомученицы, темже вас прославляюще,
Укрепившаго вы на подвиг прославляем, зовуще
страстотерпцем таковая:
Радуйтесь, Церкви Православныя камения
драгоценныя;
Радуйтесь, апостольских преданий хранителие;
Радуйтесь, безбожных расколов обличителие;
Радуйтесь, тернистый путь, ко Господу
избравшия;
Радуйтесь, в пристанище вашего хотения
приплывшии;
Радуйтесь, Паисие и Пионие, риз монашеских не
отринувшии;
Радуйтесь, преподобномученицы Кассиане и
Ипполите, обители Печерския рождение;
Радуйтесь, Валентине и Михаиле, не земнаго, но
небеснаго стяжателие;

Радуйтесь, новомученицы Черкастии, присные о нас пред Богом молитвенницы!

Кондак 8

Странниками в земли Черкастей и во юдоли сей быша многая новомученицы, ихже ныне прославляем страдания. Тако иерей Михаил от земли ляхов во град Корсунь вселися, идеже ят бысть вкупе с собратиями Александром и Иоанном. И крестный путь прошедша, в небесных ныне купно вопиют: Аллилуйя!

Икос 8

Весь Духом Божиим объят бысть иерей Михаил от Корсуньских придел, обличая власть жидобожную, яже немилосердно выя людския даньми и уроки обложи, за нихже оружия зиждут, да ним на Церковь Божию брань вести будут. И многая другая, за яже нечестивыя смерти предати порешиша, онаго егоже в прочих на честней иконе зряще, купно воспеваем:

Радуйтесь, Христово смирение стяжавшии;

Радуйтесь, Павлово дерзновение пред судищем неправедным имевшии;

Радуйтесь, градов и весей земли Черкасския украшение;

Радуйтесь, яко со святыми ваше упокоение;

Радуйтесь, Григорие и Леонтие, святых обителей

возжелавший;

Радуйтесь, Луко и Харлампие, мзду верных
служитель приявший;

Радуйтесь, Ипполите и Феодоре, вся мысли к
Богу обращавший;

Радуйтесь, Михаиле и Тихоне, людем путь
спасения возвещавший;

Радуйтесь, новомученицы Черкастии, присные о
нас пред Богом молитвенницы!

Кондак 9

Всяк сад егоже не насади Отец Мой Небесный,
искоренится - Господь рек учеником Своим. Сия
словеса о власти безбожней от ныне ублажаемых
нами проповедаются во уши православных. Аще
и не скоро, обаче сбыстася чаяние их и Церковь
чад своих прослави, поюще Богу: Аллилуйя!

Икос 9

Витий, многовещанных словеса, сказати не
довлеют ни терпение, ни славу вашу, угодницы
святии. Но родом неблагодарным и
непамятливым да не явимся пред Богом, зовем
вам, новомученицы, похвальныя глаголы
таковыя:

Радуйтесь, гордыню бесовскую страданьми
своими низложивший;

Радуйтесь, иноком образ злострадания
явивший;

Радуйтесь, миряном благочестивым
свещницы на возвышении горящие;
Радуйтесь, пред Господом о нас неустанно
молящиеся;
Радуйтесь, иерейского чина украшение
Аврааме, Кирилле и Василие;
Радуйтесь, Симеоне и Викторе, крепости
непобедительныя исполнения;
Радуйтесь, Сергие и Варнаво, пути легкаго не
искавши;
Радуйтесь, преподобномученицы достохвальныи
и в них Иаков послушания рачитель;
Радуйтесь, новомученицы Черкастии, присные о
нас пред Богом молитвенницы!

Кондак 10

Спасти хотя люди от сетей диавольских,
жидобожными в стране нашей распространенных,
святии дерзновенно на стогнах и торжищах
призываху всех на покаяние, провозвещающе,
яко за отступничество Бог нашет супостаты со
браниею велиею, в ней же погибнут не ведущие
пети: Аллилуйя!

Икос 10

Стена крепка от прещений слуг антихриста
бысть вера Православная новомученикам
Черкасским. Сея чада исповедания Христова ни
мук прещении, ни смертию не отвратишася,

имже ныне воспоим:

Радуйтесь, страданиями души своя очистившии;
Радуйтесь, кровию своею погибель жидобожным
ускорившии;

Радуйтесь, нам спасения вечного желающи;
Радуйтесь, молитвами святыми вашими нас
укрепляющи;

Радуйтесь, Господню славу ныне совершающи;
Радуйтесь, Диомиде, Никито и Стахие
преславнии;

Радуйтесь, Никоне, Георгие и Дамиане, лик
ангельских купностоятелие;

Радуйтесь, новомученицы Черкастии, присные о
нас пред Богом молитвенницы!

Кондак 11

Пение сие мучеником приносимое да будет
Господеви приятно, сих прославившему, славою
Своею и Отчею и Духом Святым укреплявшему
напревышше ума терпение. Сим же утвердився
от Цибулева иерей Михаил рек: смерть не
страшна аще приемлется достойно. Достойно же
не токмо сей, но и иныя прияша, яже с ним
поют Богу: Аллилуйя!

Икос 11

Свет Христова Евангелия в души восприемше
Троицы быша проповедницы от веси
Шабастовки иерей Владимир со диаконом

Саввою и иеромонахом Паисием. Сию же
троицу мученик во един день смерти
жидобожныя предаша, обаче жизни вечныя сих
достойных сотвориша, имже сочисленным со
иними гласы поем хвалебными:
Радуйтесь, в чистоте Богу предстоящи;
Радуйтесь, расколоучителей басням не внявшии;
Радуйтесь, трием отроком от печи вавилонския
подобницы упованием;
Радуйтесь, не внявшии жидобожных
страхованиям;
Радуйтесь, блистанием вечныя славы
освещеннии;
Радуйтесь, Лысянския земли троице Андрее,
Михаиле и Иакове;
Радуйтесь, честныя архимандриты Петре и
Палладие;
Радуйтесь, Корсуньския священноисповедницы
Иоанне, Михаиле и Александре;
Радуйтесь, новомученицы Черкастии, присные о
нас пред Богом молитвенницы!

Кондак 12

Благодать дати изрядную, восхотев Господь
Своим служителям, попусти нечестивей власти
избити оныя священники и диаконы, монахи и
миряне, ихже на честней иконе ныне зрим, да
сих прославляюще поем Богу: Аллилуйя!

Икос 12

Поюще Рождество Христово, внидоша во
узилище святой Иоанн священник
Чигиринский, собрат его Черкасский иерей
Симеон с диаконы Димитрием и Феодором, иже
в навечерие праздника сего яты быша. Сих же и
прочих сонм страдалец прославим песньми
таковыми:

Радуйтесь, аки звезды новыя Церкви нашей
возсиявшии;

Радуйтесь, имя Христово на себе достойно
именовавшии;

Радуйтесь, иго Христово доблестно понесшии;

Радуйтесь, Троицы верныя служители;

Радуйтесь, мученическим ликом купножители;

Радуйтесь, Тального пастырие славнии Стефане
и Иоанне;

Радуйтесь, Катеринополя двоице славная

Трофиме с Григорием;

Радуйтесь, Монастырища троице священная

Владимире, Карпо и Михаиле;

Радуйтесь, новомученицы Черкастии присные о
нас пред Богом молитвенницы!

Кондак 13

О, всеблаженный новомученицы земли
Черкасския, за веру Православную и имя
Христово убиенныя. Почитающе ваша
страдания прославляем Давшаго вам крепость,

Егоже молитве поставити нас в день судный идеже ныне сами пребываете, да выну поем Богу: Аллилуйя!

МОЛИТВА

О, всеблаженный святый мученицы и страстотерпцы Черкасстии, страданиями своими нашу православную землю освятившие и телеса свои безропотно мучениям от жидобожник предавшие, душами же своими, венцами Божественныя славы увенчанные, Престолу Божия предстоящие и непрестанно о ней молящиеся! Се ныне, в день вашего прославления, дерзаем приносить вам сие хвалебноблагодарственное моление от нас, недостойных и грешных братьев ваших, преклоняющих колена своего сердца перед высотой неизреченныя славы вашея, юже стяжали есте своим праведным и мученическим житием.

Величаем ваша подвиги, светозарнии воины Христовы, терпением и мужеством кровавые терзания от своих мучителей до конца претерпевшие, врага же спасения нашего посрамившие и тем в нас пламень веры и любви Божия возжигающие. Ублажаем многострадальное житие ваше, иже уподобилось великим страстотерпцам земным, за правую веру Христову бесстрашно в руки мучитель

предавшие и даже до смерти исповедовавшие ю.

Восхваляем вас, святии новомученики, иже сподобилися есте примножити сонм святых небожителей и стяжати венцы достойнии, егда по слову Спасителя гнали и поносили вас, и рекли всяк зол глагол на вы лжуще Христа ради, и судили судом неправедным. Вы же, волею своею крестную смерть достойно приявшие, льстивых словес отвортившись и мучитель злобных не устранившись, кровию своею безвинною обильно оросили землю Черкасскую. Лобызаем со слезами язвы неизреченных страданий ваших, иже в заточениях от новоявленных гонителей Христовых претерпели есте. Припадаем к вам, небесные предстоятелие наша и из глубины сердца вопием: святии мученицы Черкастии! Укрепите нас своим небесным ходатайством в мужественном стоянии даже до крови за святую веру и Церковь Православную, да ни скорбь, ни теснота, ни гонения, ни глад, ни нагота, ни меч не возмогут нас разлучити от любви Божия, яже о Христе Иисусе, нас ради крестныя муки и смерть Претерпевшаго. Призрите милостиво на нас с небеси, испросите от Человеколюбца Бога и Спаса нашего Иисуса Христа, да сохранит Церковь, юже основал еси на земли, от

зловредных ересей, расколов и нестроений, и да оградит ю от всяких волков, во одежде овчей в стадо Христово войти хотящих. Посрамите, яко посрамили есте слуг антихристовых и мучитель ваших, соблазны и искушения века сего лукаваго, оградите нас от его прелестей, да отвергшеся себе и взявше на рамо крест свой, восследуем Христу и вашему богоугодному житию, распинающе плоть свою со страстями и искушеньми и кознями, от диявола и слуг его исходящими. Помяните немощи и уничижения наша и своими святыми молитвами испросите у Безсмертнаго Христа Бога нашего, да и мы, земнороднии братия ваша, сподобимся безбедно и невредимо достигнути пристанища вечнаго спасения, и в блаженных обителях Горняго Отечества вкупе с вами и со всеми от века угодившими Ему водворимся благодатию и человеколюбием Господа нашего Иисуса Христа, Ему же подобает непрестанное славословие и поклонение со Безначальным Его Отцем и Пресвятым и Благим и Животворящим Духом всегда и в безконечныя веки. Аминь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО